

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput quintum. Jesus de semine Jesse & Davidis.

urn:nbn:de:hbz:466:1-16260

PROPOSITIO IX.

*Cur hanc quā
cobi predi-
ctionem, ali-
q; compli-
res ad Areef-
tates, Christus,
Apostoli, &
Evangelista
in testimo-
nium non
protulerint.
Osc. ii. i.*

XXXV. Concludemus disputationem hanc in tollendo scrupulo, quem movere Pererius, nec eximit. Quārī posse ait cur hoc Jacobi oraculum ad fidem sibi conciliandam, neque Christus Iesūs, neque Apostoli, neque Evangelista in testimonium adduxerint. Tum responder propriea id evenisse, quod inde cognosci tantum potuerit hoc tempore venturum fuisse Messiam, quo natus est Iesūs; at Iesūm esse Messiam illum, neutiquam inde colligi. Quā mīhi parum omnino roboris videtur habere responsio: nam pari ratione prediçio hac Oleæ: *Ex Ægypto vocavi Filium meum, Filium quidem ex Ægypto vocatum iri preannuntiat; at eum esse Iesūm non ostendit.* Itaque ab ei proferenda Matthæus poterat abstinere, quod tamen non fecit. Nos hanc in Parallelissimum retulimus, non quasi solam per se probare existimemus Iesūm esse Messiam, sed quod una cum aliis omnibus spectata, in unum Iesūm quadrare possit. Quocirca poterat Matthæus, aliique Evangelista nobilem hanc Jacobi prophetiam non omittere. Plurima occurunt in Veteri Testamento generis ejusdem vaticinia, quā Messiam respicere fatentur Judæi, ad Iesūm pertinere praeclie negant: quorum tamen auctoritatem usurparunt Evangelisti: plurima etiamē ē contrario occurunt ab iis præternissa, quā Christum Iesūm mere respiciunt. Aliud igitur causæ fuisse censeo, quamobrem hoc Jacobi testimonium in Novo Testamento non compareat: nempe quod neque Christo, neque Apostolis, neque Scriptoribus sacris propositum unquam fuerit Prophetarum oracula signallatim recensere; cum Testamentum Vetus ad unum Christum spectare, in eoque finem ac *zalieguge* nactum esse scirent. Totum igitur Testamentum Vetus sibi recitandum putassent, si prophetis pugnare voluissent. At pauculis his verbis rem totam Christus concludebat: *Habent Moysen & Prophetas, audient illos: rursum: Scrutamini Scripturas, quia vos putatis in ipsis vitam eternam habere, & ille sunt que testimonium perhibent de me: & paulopost: Nolite putare quia ego accusatus sum vos apud Patrem: est qui accusat vos Moysés, in quo vos speratis. Si enim crederetis Moysés, crederetis fortisan & mihi: de me enim ille scriptit.* His admonitionibus Christus Iesūs Judæos in memoriam vaticiniorum ad se pertinientium revocabat; ut quotiescumque ea sibi prælegerentur, quod in Synagogis fieri confueverat quotis quibulque sabbathis, pium adhiberent animum & veritatis studiosum, & in se exitum hæc habuisse agnoscerent.

*Luc. 18. 29.
Joh. 5.39. 45.
46.*

CAPUT V.

Jesus de semine Jesse & Davidis.

2. *R*eg. 7. 4, 5, & seq. Ecce sermo Domini ad Nathan dicens, *Vade & loquere ad servum meum David: Cum completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnum ejus: ipse adificabit domum nomini meo, & stabiliam ibronum regni ejus usque in sempiternum. Ego ero ei in patrem, & ipse erit mihi in filium Et fidelis erit dominus tua, & regnum tuum usque in eternum ante faciem tuam, & ibronus tuus erit firmus jupiter. Et 1. Par. 17. 11, & seq. & 22. 6. & 28. 6.*

*P*salms. 88. 4, & seq. *D*isposui testamentum electis meis, juravi David servo meo, usque in eternum preparare semen tuum *E*t ponam in seculum seculi semen ejus Semel juravi in sancto meo, si David mentiar; semen ejus in eternum manabit.

*I*sa. 11. 1, & seq. *E*t egredietur virga de radice Jesse, & flos de radice ejus ascendet, & requiescat super eum spiritus Domini In die illa radix Jesse, qui stat in signum popolorum, ipsum gentes deprecabuntur.

*M*ATTH. 1. 1, & seq. *L*iber generationis Iesu Christi, filii David, filii Abraham *J*esse autem genuit David regem. David autem rex genuit Salomonem genuit Joseph, virum Mariae, de qua natus est Iesus, qui vocatur Christus.

*M*atth. 1. 20. *J*oseph fili David, noli timere accipere Mariam conjugem tuam.

*M*atth. 9. 27. *E*t transeuntes inde Iesu, secuti sunt eum duo cœci, clamantes & dicentes, *Miserere nostri, fili David.*

*M*atth. 12. 23. *E*t stupabant omnes turba, & dicebant, *Numquid hic est filius David?*

*M*atth. 15. 22. *E*t ecce mulier Chananaea à sinibus illis egressa clamavit dicens ei: *Miserere mei, Domine fili David.*

*M*atth. 20. 30, 31. *E*t ecce duo cœci sedentes secus viam audierunt quia Iesus transiret, & clamaverunt dicentes: *Domine, miserere nostri, fili David.* Turba autem incepit patet eos, ut tacerent: at illi magis clamabant dicentes: *Domine, miserere nostri, fili David.* Et Marc 10. 46. & Luc. 18. 38, 39.

*M*atth. 21. 9. *T*urba autem quæ precedebant, & quæ sequabantur, clamabant dicen-

PROPOSITIO IX.

357

Jerem. 23. 5, 6. Ecce dies veniunt, dicit Dominus, & suscitabo David gerumen iustum, & regnabit rex, & sapiens erit, & faciet iudicium & iustitiam in terra. In diebus illis salvabitur Iuda, & Israël habitabit confidenter: & hoc est nomen, quod vocabunt eum, Dominus iustus noster.

Jerem. 33. 15, & seq. In diebus illis & in tempore illo germinare faciam David gerumen iustitiae: faciet iudicium & iustitiam in terra Hac dicit Dominus, Si irritum potest fieri pactum meum cum die & pactum meum cum nocte, ut non sit dies & nox in tempore suo; & pactum meum irritum esse poterit cum David servo meo, ut non sit ex eo filius qui regnet in throno ejus.

tes, Hosanna filio David.

Matth. 21. 15. Videntes autem Principes Sacerdotum & Scribe mirabilia que fecit, & pueros clamantes in Templo & dicentes, Hosanna filio David.

Matth. 22. 41, 42. Congregatis autem Pharisaeis interrogavit eos Jesus dicens, Quid vobis videtur de Christo? cuius filius est? Dicunt ei, David. Et Marc. 12. 35. Et Luc 20. 42.

Luc. 1. 26, 27. In mente autem sexto, missus est Angelus Gabriel a Deo in civitatem Galilee, cui nomen Nazareth, ad Virginem desponsatam viro, cui nomen erat Joseph, de domo David.

Luc. 1. 31, 32. Vocabis nomen ejus Iesum: hic erit magnus, & filius Altissimi vocabitur, & dabit illi Dominus Deus sedem David patris ejus, & regnabit in domo Jacob in eternum, & regni ejus non erit finis.

Luc. 1. 69, 70. Et erexit cornu salutis nobis in domo David pueri sui. Sicut locutus est per os Sanctorum, qui a seculo sunt, Prophetarum ejus.

Luc. 2. 4. Ascendit autem & Joseph a Galilaea, de civitate Nazareth, in Iudeam, in civitatem David, que vocatur Bethlehem, eo quod esset de domo & familia David.

Luc. 3. 23, 31. Et ipse Jesus erat incipiens quasi annorum triginta, ut putabatur, filius Joseph, qui fuit Heli qui fuit Nathan, qui fuit David.

Joh. 7. 42. Nonne Scriptura dicit, quia ex semine David, & de Bethlehem castello, ubi erat David, venit Christus?

Act. 13. 23. Hujus (David) Deus ex semine, secundam promissionem, eduxit Israël Salvatorem Jesum.

Rom. 1. 1. Paulus segregatus in Evangelium Dei, quod ante promiserat per Prophetas suos in Scripturis sanctis, de filio suo, qui factus est ei ex semine David secundum carnem.

Rom. 15. 12. Et rursus Isaías ait, Erit radix Jesse, & qui exurget regere gentes: in eum gentes sperabunt.

2. Tim. 2. 8. Memor esto Dominum Iesum Christum resurrexisse à mortuis, ex semine David.

Apoc. 5. 5. Ecce vicit leo de tribu Juda, radix David.

Apoc. 22. 16. Ego Jesus misi Angelum meum testificari vobis hoc in Ecclesiis, ego sum radix & genus David.

I. Defenditur testimonium è 2. Reg. 7. 4, & seq. II. Defenditur testimonium ex Isa. 11. 1, & seq.

I. **D**E PROPTUM è libri secundi Samuelis capite septimo testimonium, *Defenditur testimonium* quo Davidi templum Deo excitare paranti futurum denuntiat Nathan, ut id olim exequatur prognatus ipso filius, cuius regnum secula durando vincet; è 2. Reg. 7. hoc, inquam, testimonium quoniam anceps est & vocari potest in controversiam, nos 4, & seq.

Y y iii

Christo Jesu certis argumentis addicemus. Id ex eo est vaticiniorum genere, quibus multiplex inest significatio. Quædam enim ejus partes Christo Jesu & Salomonis communes sunt; puta Davide prognatum esse; Dei Filium esse, Christum natura, Salomonem gratia; Deo templum extreuer; regem esse. Quædam ad Salomonem solum spectant: si inique aliquid gesserit, arguam cum in virga virorum, & in plagiis filiorum hominum. Christo autem soli haec competunt: Stabiliam thronum regni ejus usque in sempiternum: atque hoc etiam: Et fidelis erit dominus tua, & regnum tuum usque in eternum ante faciem tuam, & thronus tuus erit firmus jugiter. Regnum enim Salomonis aeternum non fuit. Perennitatem fine carituram illic designari ostendit hoc loquendi genus, **מִלְחָמָה**, quo utitur Scriptor sacer. Scitum est enim Maimonide: **מִלְחָמָה**, non necessario significat aterritatem, nisi ei conjugatur **תְּהִלָּה**: idque vel post illud, ut **תְּהִלָּה מִלְחָמָה**, vel ante, **מִלְחָמָה תְּהִלָּה**. Idem arguitur præterea ex compluribus Scripturae sacrae testimoniis, in quibus David regnum promittitur, non diuturnum solum, quod in temporario Iudeæ regno verum fuit; sed nullis omnino annorum curriculis determinandum, quod in solo Christi Jesu regno evenit. Tale hoc est ex octogesimo octavo Psalmo:

Psalm. 88, 28. Et ego primogenitum panam illum, excelsum pro regibus terra. In aeternum servabo illi misericordiam meam, & testamentum meum fidele ipsi. Et ponam in seculum seculi semen ejus, & thronum ejus sicut dies cali Semel juravi in sancto meo, si David mentiar: semen ejus in aeternum manebit, & thronus ejus sicut sol in conspectu meo, & sicut Luna perfecta in aeternum, & regis in celo fidelis. Et illud Isaiae de Christo: Multiplicabitur ejus imperium, & pacis non erit finis: super solium David, & super regnum ejus sedebit, ut confirmet illud & corroboret in iudicio & iustitia, à modo & usque in sempiternum. Necnon illud Jeremiæ: Quia hac dicit Dominus, Non interibit de David vir qui sedebit super thronum domus Israël: deinde: Hoc dicit Dominus, Si irritum potest fieri pactum meum cum die, & pactum meum cum nocte, ut non sit dies & nox in tempore suo: & pactum meum irritum esse poterit cum David servo meo, ut non sit ex eo filius qui regnet in throno ejus. Et istud Danielis de Christi regno: In diebus autem regnum illorum suscitabit Deus celi regnum, quod in aeternum non dissipabitur, & regnum ejus alteri populo non tradetur: communuet autem & consumet universa regna hac, & ipsum stabit in aeternum: atque hoc quoque ejusdem Prophete: Et dedit ei potestum, & honorem, & regnum: & omnes populi, tribus, & lingue ipsi servient: potestas ejus, potestas aeterna que non auferetur, & regnum ejus quod non corrumperit. Vides omnem omnino extremitatem & determinationem a regno Davidis & à regno Christi excludi. Unde Gabriel Angelus apud Lucam: Dabit illi Dominus Deus sedem David patris ejus, & regnabit in domo Jacob in aeternum: & regni ejus non erit finis. Nempe hac pertinent ad ea quæ attulimus Prophetarum predicta, quibus non hunc affinxisse senium Evangelista, nisi communè omnium consensu sic intelligi solita hoc tempore fuissent. Perperam ergo Grotius testimonium hoc Christianis eripit, nec quicquam aliud hic significatum esse vult, quam temporarii Davidis regni diuturnitatem, quæ annorum quingentorum spatium excessit. Ad Jesum item istud congruit: **Ipsé adificabit domum nomini meo**; Ecclesiam videlicet, quæ Domus symbolæ in Libris sacris exprimitur. Sic David in Psalmis: **domum tuam decet sanctitudo**, Domine. Sic Angelus apud Lucam: **Et regnabit in domo Jacob in aeternum**. Sic Paulus ad Timotheum: **Ut scilicet quomodo oporteat te in domo dei conversari**, quæ est Ecclesia Dei vivi. Ergo hæc Nathanis vaticinatio, tanquam Christum Jesum sine dubio præmonstrans, à Paulo usurpatum: **Cui enim dixit aliquando Angelorum, Filius mens es tu, ego hodie genui te? & rursum: Ego ero illi in Patrem**, & ipse erit mihi in Filium?

II. Si quis Isaiae predicetum, quod ex undecimo capite attulimus, ut Jesum Iesse prognatum esse probaremus, alio detorquere pareat quam ad Messiam, refragantes Judaos omnes experietur, ut supra demonstravimus in septima Propositione. Messiam certe Germanis, & Floris, & Virgæ, & Radicis symbolis saepè à Prophetis expressum ostendemus infra in hoc Parallelismo, & iisdem quoque à Novi Testamenti Scriptoribus Jesum fuisse signatum. Spiritum Domini super Jesum requievisse manifesto indicio declaravit Deus, tum cum Spiritus Dei descendit sicut columba, & venit super eum recens à Johanne baptizatum. Sterit Jesus in signum populorum, quod & de eo post Isaiae futurum prædictum Simeon: **Ecce positus est hic in ruinam, & in resurrectiōnē multorum in Israël**, & in signum cui contradicetur. Ipsum gentes deprecari ceperunt, tum cum ad eum vocatae, Apostolis dicto audientes fuerunt. Judicavit in iustitia pauperes, ita ut Iustus καὶ ἡ ζωὴ fit dictus. Percussit terram virga oris sui, & spiritu labiorum suorum interfecit impium: bellator quippe Jesus. Idem tamen pacificus, quod lupi & agni, pardi & heodi concordia Isaías significavit. Quæ omnia suis locis apparebunt in hoc Parallelismo.